

84(2=642)6

Ж 25

109921



Дамба Жалсараев


**Баатар  
Тухай  
ДОМОГ**



Хүндэтгэвч Уссий хамандаа  
үний зурхайнаа —

Дамба

20/1-1970



Дамба Жалсараев

**Б**аатар  
тухай  
ДОМОГ

Буряадай номой хэблэл  
Улаан-Үдэ \* 1969

1С9921

МАУ ЦБС  
г. Улан-Удэ





## I БУЛАД ХҮЛЭГЭЙ ГҮЙДЭЛДЭ

Эхэнэр хүн — эсхэнээрээ,  
эрэ хүн — дэлисээрээ.  
Эхилбэл — дүүргэхэ хэрэгтэй,  
бэдэрбэл — олохо зэргэтэй.

Хүбшэ нугалан татаһан хойноо  
хооһоор табидаггүй хамнай.  
Эмээлэй бүүргэ бариһан хойноо  
эрэ гүйлгэдэг хамнай.

Дабаха гэнэн зоригтойдо  
далан гол һаалта бэшэ,  
ерэхэ гэнэн хүсэлтэйдэ  
ерэн дабаан хаалта бэшэ...

Хизаарһаа хизаар хүрэтэр  
хиталзама шангаар татанхай  
хатуу хүжүүн хүбшэ гэлтэй  
ханхинама булад зурынхай.

Түргэн түжэр түмэр хүлэг  
түбэр-түбэр гүйлгэнэ,  
түби дэлхэйн,  
тала дайдын холые  
түгдэ харбан,  
дүтэ болгон,  
хүдэр хүлдөө орёоно.